

Species nova generis *Harpactor*.

Descripta ab **O. M. Reuter**, Helsingforsiensis.

Harpactor lineaticornis Sign. in litt.

Niger, nitidus, superne omnium brevissime flavicanti-pubescent; capite lineis tribus longitudinalibus, media inter oculos bifurcata, margine superiore articuli primi antennarum, femorum et tiliarum, margine antico et cicatriculis omnibus esculptis lobi antici limboque laterali lobi postici pronoti, vitta media scutelli, nec non maculis marginalibus abdominis albido-testaceis; hemielytris fuscis; pronoto lobo postico antico vix longiore. — Long. ♂ 8 $\frac{3}{4}$ mm.

Patria: Tanger (collectio Signoret).

Species signatura insigni antennarum et pedum, pronoto lobo antico postico vix brevior, profunde sculpturato, sculpturis pallidis mox distingvendis, subgeneri *Oncauchenius* Stål proxima. Caput pronoto paullulum brevius, parte anteoculari postoculari aequae longa, hac illae aequae alta, lateribus subparallelis, basi subito constricta: nigrum, nitidum, parte antica guttulis obsoletis testaceis, parte interoculari linea media longitudinali antice furcata et orbitis oculorum interioribus in vittam utrinque lateralem partis postocularis postice abbreviatam prolongatis, parte postica vitta etiam media albido-testaceis. Rostrum nigrum, articulo primo secundo brevior, setulis nonnullis basalibus instructo. Antennae fuscae, articulo primo parti capituli postoculari oculoque a latere viso aequae longo, margine superiore albido-testaceo, secundo primo circiter $\frac{1}{4}$ brevior et tertio longior. Pronotum lobo antico postico fere aequae longo, angulis anticis in denticulum brevem extrorsum prominentibus, disco cicatriculis profunde sculpturatis albo-testaceis; lobo postico angulis lateralibus obtusissime rotundatis, posticis obtuse rotundatis, haud lobato-productis, disco obsolete transversim strigoso, nigro, lateribus fusco-testaceis. Scutellum carina longitudinali albo-testacea. Hemielytra (♂) abdomen paullulum superantia, fusca, nitida. Pectus nigrum. Abdomen nigrum, connexivi segmentis macula quadrangulari apicali albido-testacea notatis, spiraculis ab apice ac basi fere aequae longe distantibus. Costae nigrae. Pedes nigri, albido-pilosuli, margine superiore femorum et tiliarum albido-testaceo, tarsis nigro-fuscis.